

ԿՈՍՏԱՆԴՆՈՒՊՈԼՍՈ ԱՄԵՆԱՊԱՏԻՎ ՏԵՐ ԳԱՐԵԳԻՆ ՊԱՏՐԻԱՐԷԻ ՀՈՒՂԱՐԿԱՎՈՐՈՒԹՅՈՒՆԸ

«Բայց ոգիք արդարոց ի ձեռին Աստուծոյ
են, եւ ոչ մերձեցցի ի նոսա մաՀ»:

(Իմաստ Գ 1)

Եվս մի «ոգի արդար» հրաժեշտ տվեց, եւ մի երախտավոր Հայր գնաց մարմնով փարվելու մորն ամենեցուն՝ բեղմնավոր Հողին, Հողին Հանձնելով Տիրոջը երկնային:

Արդարությունն էր, ահա, շնչում երջանկահիշատակ Հանգուցյալի՝ Հայց. Առաքելական Ս. Եկեղեցու Հորս նվիրապետական Աթոռներից մեկի՝ Կ. Պոլսո Պատրիարքության արժաննությունը դաՀակալ Ն. Ա. Տ. Գարեգին Պատրիարք Գաղանճյանի անձի մեջ, որի մաՀվան լուրը գուժեց Կ. Պոլսի Պատրիարքարանից ստացված ազդը:

«Հայրն մեր Հոգևոր և դուռխն Առաքելական Եկեղեցւոյ մերոյ, որ ի Թուրքիա՝ Ամենապատիւ Տէր Գարեգին Պատրիարք Գաղանճեան աւանդեաց զՀոգի իւր ի ձեռս Հօրն Երկնաւորի, ի 10 մարտի, յաւուր երկուշաբթի, ի Սուրբ Փրկիչ Ազգային Հիւանդանոց, յութերորդ ամի Հովուապետութեան իւրոյ, ի սուգ Համակեալ զամենայն որդիս իւր Հոգևոր և զսիրելիս իւր»:

Եկեղեցու ժրջան մշակին միայն ութ տարի տրվեց «Հովուելու զՀոսս իւր», քանզի անժամանակ ու անդարմանելի հիվանդությունը ջլատեց նրա ուժերը, և Նորին Ամենապատվությունը Հանգյալ ի Տեր:

Մարտի 10-ին Ազգային Հիվանդանոցում Գեր. Տ. Մեսրոպ արքեպս. Մութաֆյանի նախագահությամբ Տան կարգի արարողություն կատարվեց, որից Հետո Հանգուցյալ Պատրիարք Հոր դին Հոգևոր դասի և Համայնքային ներկայացուցիչների ուղեկցությամբ տեղափոխվեց Գումգաղու Թաղամասում գտնվող Մայր եկեղեցի: Միաժամանակ Կրոնական ժողովի և Համայնքային մարմինների խորհրդակցությամբ որոշվեց լուսահոգի Պատրիարքի Վերջին օծման և Թաղման կարգերը կատարել մարտի 15-ին, կիրակի օրը: Այս ընթացքում Պոլսո Հայոց Պատրիարքարանին և Թուրքահայոց Համայնքին ուղղված բազմաթիվ ցավակցական նամակներ ու Հեռագրեր ստացվեցին, որոնցում պետական բարձր աստիճանավորներ ու բարձրաստիճան Հոգևորականներ իրենց անկեղծ վշտակցությունն էին Հայտնում Ամենապատիվ Պատրիարք Հոր վախճանման առթիվ: Ի թիվս բազմաթիվ ցավակցական նամակների, Թուրքահայությանը և Պոլսո Հայոց Պատրիարքարանին էին ուղղվել Ն.Ս.Օ.Տ.Տ. Գարեգին Ա Ամենայն Հայոց Հայրապետի, Երուսաղեմի Հայոց Պատրիարք Գեր. Տ. Թորգոմ արքեպս. Մանուկյանի, Հռոմի Հովհաննես-Պողոս Բ Պապի, Թուրքիայի նախագահ Սուլեյման Դեմիրելի, վարչապետ Եսութ Յըլմազի, ԱՄՆ-ի նախագահ Բիլ Կլինթոնի և այլոց վշտակցության գրերը:

Երջանկահիշատակ Գարեգին Պատրիարքի վերջին հրաժեշտի արարողությունները սկսվեցին շաբաթ օրը, մարտի 14-ի Կիրակամտի ժամերգությամբ:

Մայրազույն Արևելքի Հայրապետական Պատվիրակ և Ավստրալիայի Հայոց Թեմի առաջնորդ Աղան արքեպս. Պալիոզյանի Հանդիսապետությամբ՝ ժամերգությանը մասնակցում էին Պատրիարքական Ընդհանուր փոխանորդ

և Պատկառելի Կրոնական Ժողովի Ատենապետ Գեր. Տ. Մեսրոպ արքեպս. և Մոթա Գյանը, Տ. Շահան արքեպս. Սվանյանը, Ն. Ս. Օ. Տ. Տ. Գարեգին Ա Սինայի Հայոց Հայրապետի կողմից առաքված պատվիրակությունը՝ Ասենայի Հայոց Թեմի առաջնորդ Գեր. Տ. Զավեն արքեպս. Ջինչիյանի եզրապատի Հայոց Թեմի առաջնորդ Գեր. Տ. Զավեն արքեպս. Ջինչիյանի հիմնադրությամբ և Մայր Աթոռի միաբանների Հոգեշնորհ Տ. Միքայել Ժ. վրդ. Աջապահյանի ու Տ. Արշակ արեղա Խաչատրյանի մասնակցությամբ, Արևմտյան Եվրոպայի Հայրապետական պատվիրակ և Ֆրանսիայի Հայոց առաջնորդ Գեր. Տ. Գյուտ արքեպս. Նազգաշյանը, Պատվիրակի փոխանորդ և Լիոնի Հայոց առաջնորդ Գեր. Տ. Նորվան եպս. Զաքարյանը, Մեծի Տանն Կիլիկիո Կաթողիկոսության ներկայացուցիչ Գեր. Տ. Վարդան արքեպս. Դեմիրճյանը:

Մարտի 15-ին, կիրակի օրը, Հրեթաց Ս. Պատարագի, կատարվեց Հանգուցյալ Գարեգին Բ Պատրիարքի Վերջին օծման արարողությունը: Արարողությանը ներկա էին մի շարք բարձրաստիճան Հոգևոր և աշխարհիկ այրեր, որոնց թվում՝ Հունաց Տիեզերական Պատրիարք Ն. Ս. Տ. Տ. Բարդուղիմեոս Ա-ը, Հրեից Բագունապետ Դավիթ Ասեոն և Կ. Պոլսո ազգային կրոնական փոքրամասնությանց այլ ներկայացուցիչներ, նաև Թուրքիայի նախագահ Սուլեյման Դեմիրելի ներկայացուցիչը՝ Քեմալեդդին Ալիգալոլլին, պետական նախարար Զավիթ Գավաթը և այլոք:

Օրվա պատարագին էր եզրապատի Հայոց Թեմի առաջնորդ Գեր. Տ. Զավեն արքեպս. Ջինչիյանը: Հավարտ Վերջին օծման արարողության, պատարագից Սրբազանը Հուգից դամբանական խոսեց, որում ընդգծեց երախտաբան Գարեգին Պատրիարքի Հոգևոր, մարդկային բարեմասնությունները՝ դրանք նկատելով իբրև նորոգ Հանգուցյալ Հոգևորականի նկարագրի անբաժանելի մասը:

Սրբազան Հոր խոսքից հետո Ս. Պատարագը շարունակվեց մինչև ավարտ, ապա Պատրիարք Հոր մարմինը գրվեց Պատրիարքարանում, որտեղից բազմաթիվ ինքնաշարժեր ընթացան դեպի Շիրիլի Հայոց գերեզմանատուն, ուր և պետք է ամփոփվեր Հանգուցյալ Պատրիարքի դին:

Գերեզմանատանը, ի ներկայության Թուրքահայ մեծաթիվ Հավատացյալների, կատարվեց Գերեզմանի կարգը՝ նախագահությամբ Գեր. Տ. Վարդան արքեպս. Դեմիրճյանի: Հավարտ արարողության, Սրբազան Հայրը մահախոսական կարդաց, որում մասնավորաբար նշեց, թե Հանգուցյալ Պատրիարք Հայրը Հոգևոր շառավիղն ու ժառանգորդն էր իրավ Հոգևորականների այն սերնդի, որի փայլուն ներկայացուցիչներն են Թորգոմ Պատրիարք Գուշակյանը, Նիլի Պատրիարք Դուրյանը, Օրմանյան Սրբազանը և ուրիշներ:

Արարողության ավարտին Հավատացյալները ծաղիկներ գրեցին Պատրիարք Հոր կիսով չափ լցված գերեզմանափոսի մեջ, որը պետք է ամբողջությամբ լցվեր յոթ օրերի ընթացքում:

Մեկնեց այս աշխարհից Պատրիարք Հայրը՝ բռնելով «ճանապարհ յամենայն երկրի, ուր գնալուց է ամենայն մարդ»՝ Թողնելով բյուր հիշատակ ու օրհնություն:

Հիշատակն արգարունյն օրհնությամբ եղիցի: